

# **Deregulaziun - da l'intschertezza vers la schanza per l'avegnir**

Autor(en): **Pult, Chasper**

Objekttyp: **Article**

Zeitschrift: **Annalas da la Societad Retorumantscha**

Band (Jahr): **109 (1996)**

PDF erstellt am: **22.05.2024**

Persistenter Link: <https://doi.org/10.5169/seals-236203>

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ein Dienst der *ETH-Bibliothek*

ETH Zürich, Rämistrasse 101, 8092 Zürich, Schweiz, [www.library.ethz.ch](http://www.library.ethz.ch)

# Deregulaziun - da l'intschertezza vers la schanza per l'avegnir

da Chasper Pult, parsura LR

Er en muments dad „interregnum“ tranter eveniments che concentreschan ils sforzs da la LR per la Rumantschia – l'onn passà la Scuntrada a Donat, l'onn che vegn la votaziun federala areguard la revisiun da l'artitgel 116 da la constituziun federala – na manca la lavur da l'organisaziun da tett. Quest è er il mument per sa render quint che la centrala a Cuira presta ina lavur extraordinaria sin il champ linguistic e sin quel cultural cun las paucas persunas (8 plazzas cumplainas repartidas per part sin pliras persunas) che stattan a disposiziun. Il servetsch per linguistica applitgada (sco che l'antierur post da lingua vegn numnà en vista a sia restructuraziun), il post da translaziun, il post da teaer, il post d'ediziun ed il post d'infurmaziun e da documentaziun stattan tuts a disposiziun da l'entira Rumantschia per pensums che las singulas uniuns affiliadas na pudessan betg accomplishir sezzas. E natiralmain che la gronda part dals medis finanzials a disposiziun van directamain en las regiuns, saja quai cun las contribuziuns a las uniuns affiliadas, saja quai cun ils collavuraturrs regiunals u cun sustegnair projects ed ediziuns en las singulas regiuns.


Il preventiv per il proxim onn prevesa in augment da las contribuziuns a las uniuns affiliadas. Pussaivel è quel tras ina restructuraziun da l'entir preventiv. Quai è ina da las consequenzas da la nova lescha federala da contribuziuns ch'è vegnida approvada dal parlament già avant ed independentamain da la revisiun da l'artitgel 116 CF. Natiralmain che questa midada substanziala per l'avegnir – ina furma da deregulaziun d'in modus che s'aveva verifitgà tant enavant – po crear intschertezzas u temas: La LR na vegn betg pli menziunada explicitamain, il chantun Grischun nun ha amo decis tge basa legala ch'el po e sto stgaffir per las contribuziuns a la Lia rumantscha e per sustegnair en pli mesiras urgentas integradas en il program da lavur. Positiv è però il fatg che dapli medis finanzials stattan a disposiziun e che la pressa vegn sustegnidra tras in'Agentura da Novitads Rumantscha (ANR) e tras las contribuziuns a las gasettas existentes che passan uss al chantun. Cun quai dat la LR giu sia part sco sustegnidra d'ediziuns da pressa, suenter ch'ella veva già avant intgin temp mess en mauns da la PSR la realisaziun d'ina gasetta quotidiana. Sa distgargiar na signifitga betg sa dischimpegnar: Ina ferma pressa rumantscha professiunala resta ina da las finamiras essenzialas dal moviment rumantsch er en l'avegnir!

L'augment dal sustegn da la LR per las dus gasettas da las uniuns affiliadas (Casa Paterna/La Punt e Pagina da Surmeir) veva manà ad ina correctura dal preventiv davart da la regenza Grischuna.

Questa violaziun gravanta da l'autonomia da la LR è vegnida curregida suenter in'intervenziun ch'ha puspè ina giada stuì mussar cleremain tge funcziun e tge dretgs che la Lia rumantscha ha. Cura arriva il di ch'era il Grischun politic vegn a badair ch'i na dat nagina meglra furma per la politica culturala envers la Rumantschia ch'in'istituziun che gruppesch la populaziun rumantscha da tut las regiuns?

La radunanza da delegadas e delegads a Tarasp cun visita dals monuments istorics e culturals ha permess in contact pli stretg cun la regiun, quai ch'è er l'intent da la radunanza da stad. Er l'inscunter cun la vischnanca da Lantsch che la suprastanza ha pudì far en sia radunanza sin il pajais – curt suenter l'impreschiunanta manifestaziun d'identidad rumantscha – permetta quest contact necessari cun las diversas furmas da realitat rumantscha.

Quasi sco regal da Nadal ha la Rumantschia pudì finalmain prender conuschientscha dals emprims resultats davart l'acceptanza dal rumantsch grischun en in studi che la regenza veva dà en incumbensa cun in credit deciss dal cussegli grond. La retschertga conferma che la lavur da la LR porta fritgs: Ils Rumantschs vulan in'unica lingua scritta ed i na dat betg alternativas al rumantsch grischun. Quest è ina da las satisfacziuns che pon render cuntent il secretari da la LR, Bernard Cathomas, ch'accumplescha quest onn il giubileum da 15 onns engaschament per la Lia rumantscha. Che questa lavur vegn fatga cun anim e creativitat, ma er cun professiunalitat e perseveranza demussa la motivaziun da las collavuraturas e dals collavuraturs. A tut il team damai ina strenschida dal maun per engraziar e per giavischar curaschi ed energias per ir enavant vers la votaziun federala da l'onn vegnent, che porta al rumantsch l'emancipaziun ditg spetgada. La lavur cuntinua!



Il secretari Bernard Cathomas:  
gia 15 onns en servetsch da  
la LR.